

2 Zuwã

Zuwã hã maparane ãma te te duré ĩrob'ui'érezé,
ĩsazei'wa norĩ ma

Ĩbaihã wasu'uzé

Ã ĩbaihã na rob'ui'éré na Zuwã hã ma tô ĩsazei'wa norĩ hã ãma pawaptob za'ra, 're sisawi pese za'ra mono da, duré roti senai'õ hã te te 're wapari za'ra mono tô da, daro mono bâ te te ĩropéi mono hã.

1 ¹ Wa hã, Wanhib'apito zazei'wa norĩ 'madâ'â'wa, wa ãma aima rob'ui'éré za'ra wa'wa, tinhib'a'uwẽ da, 'Re ĩhâimana u'âsi mono te te 're ĩaipisutu za'ra wa'aba mono norĩ ma. Tame te asiré ĩsazei'wa norĩ hã asiré 're asi'rã'õtõ u'âsi aba mo. Pi'õ norĩ hã ti'ra te te 're ĩmadâ'â pese za'ra mono ne, te 're asi'madâ'â pese za'ra wa'aba mo, ĩsazei'wai mono bâ. Taha wa, simisutu ĩma asawi pese za'ra wa'aba di, tô sena. Tane nherẽ, ĩma si asawi za'ra wa'aba õ di. Uburé Zezusihi wasu'uwẽ hã te te ĩwaih'u pese za'ra norĩ ma zama, asawi za'ra wa'aba di duré. ² ĩwasu'uwẽ hã tô sena uptabi hã wasiré wa te 're 'madâ'â pese za'ra mono wa, wa wa te 're asawi pese za'ra wa'wa. Õne u'âsi te za ĩwasu'uwẽ hã wasiré 're hâimana u'âsi.

³ Wamama ma, wa 're ĩmreme u'âsi, 'Re ĩhâimana u'âsi mono ma, duré ĩra Zezu Cristuhu ma zama, ĩsimizawizé hã wa'ãma 're hâimana u'âsi za'ra mono da, ta norĩ ãma si rowẽ u'âsi, ãma 're wanomro mono da. Wa'ãma 're siwãrĩ u'âsi zahuré mono da, wa duré tãma 're ĩmreme u'âsi zahuré. ãne te za te te wama 're apisutu zahuré, Wamama nhimiroti si tô sena na wasiré wa te ãma 're ĩmadâ'â pese za'ra mono norĩ ma, duré 're ĩwasisawi pese za'ra mono norĩ ma zama.

**Ĩsazei'wa norĩ, tô sena Cristuhu wasu'uwẽ zarina si 're
ĩhâimana za'ra mono zé wasu'u**

⁴ Ni'wam norĩ hã asiré 're ĩaihâimana za'ra wa'aba mono norĩ hã ĩwasu'uwẽ tô sena zarina si te, u, 're hâimana za'ra, Wamama te te wama 're ĩaroti mono zéb zarina si. ãne hã te wapari wamhã, ma tô ĩwasu'u wẽ za'ra hã ĩma rowẽ waze. Taha wa, ĩtoi uptabi di, ãhãna hã. ⁵ Wasiré ĩsazei'wa norĩ, ĩma asawi pese za'ra wa'aba norĩ hã, ãne wa za oto aima roti za'ra wa'wa. Uburé wasiré ĩsazei'wa

norĩ hã, oto 're wasisawi pese za'ra wa'aba mono. ã hã roti hã ãhãna si õ di. Duréhã ãsãna'rata hawimhã, Zezusi wa te 're ãsaze na'rata za'ra mono zém hawi, wama 're ãhãmana u'ãsi za'ra mono, ã hã. ⁶ E niha tawamhã, ãma 're ãwasisawi pese za'ra mono zé hã za. 'Re ãhãmana u'ãsi mono nhimiroti si wa za wa te 're 'madãâ pese za'ra. ãne ma tô ãsãna'rata hawimhã, ãsimiroti wasu'u hã 're ãwapari za'ra wa'aba mo, ãma 're asisawi pese za'ra wa'aba mono sina ãma 're aihãimana u'ãsi za'ra wa'aba mono da.

⁷ 'Re ãhãmana u'ãsi mono zadawa wasu'u uptabi 'wa newa, roti tô senai'õ na te te dama 're ãroti za'ra mono norĩ hã ahã uptabi di oto. Daro mono bã te dawazari 're hãimana za'ra. Zezu Cristu hã, a'uwẽ hãiba na dasiré ãpoto õ na, te ta norĩ hã sô 're simrami za'ra dama, 'Re ãhãmana u'ãsi mono hã Danho'reptui'wa da, te te ãpisudu hã. Ni'wam norĩ hã ta norĩ ne 're hãimana za'ra mono wamhã, te za ãwaihu'u za'ra wa'wa, roti tô senai'õ na te te dama 're ãroti za'ra mono hã. Te za duré ãwaihu'u za'ra wa'wa, Cristuhu zada 're ãhãmana za'ra mono na hã. ⁸ Taha wa, roti tô senai'õ na te te dama 're ãroti za'ra mono norĩ wi, te za 're asi'madãâ pese za'ra wa'aba mo 'rãwi, 're ãromhuri za'ra wa'aba mono zé wa'ã hã 're simini tã za'ra wa'aba mono da. Uburé marĩ ãwẽ na 'Re ãhãmana u'ãsi mono, za te te aima ãwa'ãbã za'ra wa'aba zé hã ubuni na asima 're waibui wa'aba mono da, te za 'rãwi 're asi'madãâ pese za'ra wa'aba mo.

⁹ Ni'wam norĩ hã Cristuhu nhimiroti si te te 're wapari za'ra mono õ wamhã, tinhimirosa'rata na te te ãma 're uzusi za'ra mono wamhã, ta norĩ hã 'Re ãhãmana u'ãsi mono siré 'rãwi 're hãimana za'ra mono õ di. Tane nherẽ, ni'wam norĩ hã Cristuhu nhimiroti zarina si 're nomro mono wamhã, ta norĩ si te Wamama siré 're hãimana za'ra 'rãwi, ãra siré zama. ¹⁰ Duré Cristuhu nhimiroti upana te te dama 're ãroti za'ra mono hã ta norĩ hã atẽme 're sihutu aba mono wamhã, sô 're atob'uzu za'ra wa'aba mono õ di za, asõrõwa u 're sisisi aba mono da. ¹¹ Sô 're atob'uzu za'ra wa'aba mono wamhã, ãsimiromhuri wasété na te za ãme 're aibasété za'ra wa'aba mo, ãma 're sasõmri za'ra wa'aba mono wa.

Zuwãhã nhimi'ui'ére 'rãsutuzé wasu'u

¹² Zahadu marĩ hã ahã uptabi di, te aima ãwaihu'u za'ra wa'aba zéb da hã. Tane nherẽ, ãhãna hã te ãsima wẽ õ di, ãbaihã na te aima ãma ãrob'ui'ére za'ra wa'aba da hã. ãma atẽme ãmorĩ aba da si, wa ãsima rob'madã, wasisabu za'ra da. Tawapsi wa za 'rãwi wasisadawa 'madãâ za'ra ni. Tawapsi wasima watoi uptabi za'ra di za oto.

¹³ ãme wasiré ãsazei'wa norĩ hã te duré ãma asawi za'ra wa'wa, ai'ra waptéb za'ra wa'aba ne, 're ãnomro mono norĩ hã, 'Re ãhãmana u'ãsi mono, tinhib'a'uwẽ da, te te ãpisutu za'ra norĩ hã.